

Zeitschrift: Annalas da la Societad Retorumantscha
Herausgeber: Societad Retorumantscha
Band: 39 (1925)

Artikel: Poesias
Autor: Melcher, Anton
DOI: <https://doi.org/10.5169/seals-197329>

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 15.04.2026

ETH-Bibliothek Zürich, E-Periodica, <https://www.e-periodica.ch>

POESIAS DA ANTON MELCHER

La mort del chatscheder

In möd sgrischus, tū mort crudela,
Sovenz la fotsch vest manaschand;
Na be stüjs sechs staun ir a terra
Eir giuven verd vest devastand.

Cun bel cler glün' el hoz banduna
Sa chera duonna, chers infaunts.
D'ir sü nels ots el ho sa mira,
Smancher pissers, scu taunts e taunts,

Cun l'arm' in spedla el as rampcha
Intuorn la pizza per mirer,
Sch'el po fer saung — ma vindichuossa
La pizz' ad el voul fer cruder.

Dandet ün crap sün el as roudla,
Il büttand giò — ah povra sort —
In quaid cler glüna ün il porta
Vers chesa, preja della mort.

Sto bain amih, chi taunt adura
Dals Tieus stovettast già partir,
Surleivgia'ls cun Tieu maun, o Dieu.
Lur pleja poust be Tü guarir!

1904.



Festa ladina a S-chanf

Bainvgnieu temp d'advent,
Chi mainast in ta sfera,
Scu sbrinzla tres il vent,
La festa populera.

Hoz vain documento
Cun verva sencha, schlassa,
Cha'l cher linguach erto
A nus tres l'ossa passa.

Che cling sonor e lam
La lingua della mamma —
Da tuot mieu cour eau t'am,
Simbol d'arsainta flamma!

Sü, sü, ladin confrer,
Turblo da letargia —
Nun odast ridonder
Il clam a nouva lia?

Chantè, güvlè! Noss munts
Cun majested confessan,
Cha trattas sun las punts,
Cha'ls Grischs d'unir professan.

Dal ot cun dutsch resun
Fin giò sün fraida fossa
Reduond' benedicziun
Sün la prüveda scossa!

1919.

